


Digitized by the Internet Archive
in 2009 with funding from
Ontario Council of University Libraries

小雅樓詩集卷七

順德

鄧

五言絕詩



秋門著

阿那瓌

健兒鬚似鐵萬幕邊歌絕人馬白無聲天山三日雪

曉過淮舟中作

擊柝聲初靜空城露溼街滿船殘夢在和月渡秦淮

古塔

古塔響風鈴雨後高原暝叢籜下秋雲處處斜陽影

張園春夕

明月上闌干
白白蒼苔冷
遊人盡歸來
犬吠桃花影

題百年畫冊小景二首

石橋帶橫溪
扁舟入何處
江樹雨濛濛
煙中數人語
鳥驚山日高
風動巖泉皺
亭午不逢人
春雲出谿口

過友人書齋

山齋闐無人
夕陽已在樹
幽鳥靜不鳴
石上閒棋具

題飛濤閣後院

月出庭兒寒
雲來衣帶冷
蕭蕭三五松
隔林明瀑影

山房夜起

疏窗明似曉，卧聽枯篁折。開軒看前山，已積一寸雪。

寓目聯句

著書西北窗，疏林過微雨。

秋枚

遙見隔溪山，時有僧來去。

秋門

吳音曲二首

吳下嬋娟好，延迎曲水前。白蓮都采遍，卻少並頭蓮。
停卻木蘭橈，偷把鴛鴦覷。花外見人來，撥船入花去。

雜興

日落倚簷樹靜看飛鳥還殘黃兩三片時下戶庭閒
秋桂著花樹下畱題

小山聞暗香一樹清陰淺月上微風來獨立無人見
徐園雜題四首

柳閣

官柳拂闌干閣外輕陰繞最愛夕陽時煙中數歸鳥
鑑亭

亭下水泠然亭中客孤絕鷗鳥不飛來獨對寒塘月
讀畫樓

我登讀畫樓四壁花羃羃玉人夜吹簫一樹紅梅落

竹館

高館閉蒼苔百竿風婀娜日暮靜無人竹梢殘雪墮

冬日

盡日圍爐坐寒陰晝不開溼雲窗外過時有雪聲來

塞下曲

白日烽煙變黃河鼓角聞中原征戰地隱隱見浮雲

細林

蒼蒼萬山寒返照秋聲起白雲逐鳥歸行人去何處

李欣畫

小窗春陰陰露桃散紅萼幽鳥隔花嘯有人捲簾幕

開門

開門見青山山光忽明晦一峯生白雲一峯下微雨

梅花龕

寒梅半已開破龕更幽絕夕陽澹欲無照見前林雪

宿回翠山館夜起酬實君

三更四更夢一點兩點雨開門驚鳥聲喚起前山曙

絕句

一作燕中客時登郡北樓黃雲雕沒處秋色滿幽州

北口

北口七十二關頭去路長雁鴻飛不過吹下獨龍岡

口號

山似青蘿帶江同碧玉流女兒秋賣酒人說是滄洲

有懷

昨夜銀河夢夫君玉塞遊迢迢絲雲裏一笑指牽牛

山行二絕

山水空冥冥但聞斧聲起回首一峯青人入白雲裏

日落雲一色鞭指飛鳥上空山寂無人何處馬蹏響

高館

高館野色寒江波動遙浦花發見歸颿春山夜來雨

七言絕詩

青溪二首

青衫斜日麝香驄菰首橋南廿番風休問黑頭江令宅
六朝春盡杜鵑紅

荒祠衰柳鎖宮鴉翠羽金支說麗華千載夢回三閣月
更無人唱後庭花

秋閨怨

連錢錦帶腰圍減宛轉刀環夢影長
妝閣暮愁金翦冷麝香河上已新霜

子昂花卉小幅

煙水崖門五百春王孫幽怨託花神
一枝流落江南去羞煞陳宮失路人

舟過松郡

春陰沙口雁雙雙青簾施篷一面窗
酒醒航船天尙雪蠟梅香裏入松江

鐵崖墓

千山山接五葺城山下江流夜有聲
喚醒白衣才子夢月明吹簫下燕京

詹山畫

萬里長城見斷垣
粘天青草漢家屯
白頭老卒沙邊望
認得將軍舊戰旛

有所思二絕

小院春寒綺思新
華年如瑟記難真
東風種出雙紅豆
日日江南話遠人

飲子看書遣夢妖厭厭月額到花朝定從樓上歌楊白
不向江頭唱早潮

書漁洋精華錄後四首

仙人舞樹骨原輕天女拈花中節行廣大漫推初白主
禪家宗旨在新城

入手應妨氣魄低後生神韻豈能齊五城十二樓飄緲
寄語人間不可梯

南海天然蜀道道詩名祭酒與青邱苦心樸實歸愚子
卻爲漁洋救末流

亂頭粗服杜陵詩國事開天老去悲難好歡娛易愁苦
可堪公在太平時

館娃宮

靈巖花落美人歸殘黛飄零蝶子飛愁絕吳孃歌白緒
闔閭城上擣秋衣

白芍藥二首

暮煙無語意惺忪粉質涓涓小院東風軟露涼驕欲墮
隔花誰唱玉玲瓏

玉階羅袂暗生愁石甌吹香素影幽永夜水晶簾外月

更無人與夢揚州

渡江

雨雨風風十里秋江流殘夢過瓜洲
秦淮今夜潮聲急
燕子磯頭望石頭

秦淮夜泊

舟過秦淮落晚潮
桁頭秋色柳飄蕭
鐘山月照人何處
夜火栖烏夢六朝

題半淞園

囊琴春踏馬車來
十里花房接水隈
無藉碧桃開復落

春風重疊閉樓臺

曉雪

清陰庭院雪花吹向曉
襜褕達婢師隔著紫玻璃
一度曉寒如水不曾知

蘆雁圖

楓江水落西風叫瑟瑟
蘆花秋夢杳一雁驚寒帶月飛
波光搖動天將曉

夜泊香港

鄉音隱約賣茶腔
海舶東來月滿窗
雲電陰陰天在水

半山鐙火影春江

春汎

五羊門外海珠船落盡桃花開柳綿
忽憶鴨江方轉戰
殘旗落日望龍川

出遊書事二首

紫馬馱春草色濃
冗人都住亂金叢
漢家多少樓臺影
并入紅棉夕照中

降王六十州如夢
欲向殘僧問劫灰
西七寺連東七寺
夜深鐙火翠華來

皇孔雀孤飛尙傳河滿玉環何處金雁不存臨酸棗
而非臺譜荔支而無遂義山玉璽綺思紛來內翰銅
琶絃啼不息耳目所寓情足悲矣嗟夫故宮風露羣
社邱墟魏宮未葬乎銅駝灞陵已移乎金狄錦颿士
女宴徹紅雲玉柱仙人香銷沈水疑墳雨黑風摧騷
裏之碑花塢煙青鳥拜素馨之碣臨鳳凰之水景遽
情盤望鵲鵲之波月明人遠宜乎春風野火行卷愴
於青山鐵鎖降幡古愁瀉於碧海夢華小錄紀東京
之朝風穆護殘歌感北邙之帝子銅駝翳棘三經洛

水之墟白露沾衣乃曰梁王之苑江深故國誰說烏
衣花落空城猶聞玉樹馬家一角依稀畫裏之山珠
串三聲寥落人閒之遂續紅簾之短句媿青箬之高
吟濡管序之云爾

小樓秋思五羊城藥裏茶鐺最不情一卷吟殘花信集
木樨如霰落簾旌

金縷銀絲迹化霜劉王花塢半蒼茫故宮唱罷離支曲
一樹清蟬咽夕陽

玉鉤遺事仿楊家溪水猶勝怨麗華斜日晚風三角市

采香人過素馨斜

四百紅闌一曲簫翠華仙逝水迢迢晚來多少殘螢火
只照流花舊板橋

豔迹蟾妃事黯然秀華詩夢總如煙行人指點風流業
歲歲春同燕子仙

古槐吹雨晚鳴蜩鐵塔沈沈霸迹銷廿八寺樓秋草綠
老僧何處夢南朝

郡外陵山壓水濱三泉地市錮金銀無端收得銅仙像
記是昭陽舊苑人

倚徧闌干恨不平海山樓下舊連營寒潮暮雨珠江渡
幾箇殘軍話汴京

浦口潮生晚色澄垂楊幾樹客歌菱扁舟遠過南濠里
水閣東西半上鐙

魚藻城門夜泊舟粉圍香隩不知秋招郎半闕煙花地
十五珠兒亦解愁

赴敵虔州正授官鬱孤一死水猶寒明年花球晴麋閣
來爲先生哭牡丹

海墘燹火殉亡君紹武題碑紀古墳疏柳斷橋霜滿路

無人來唱玉生文

五更秋露下精藍小北門前策曉驂聽說燒香多韻事
黃裯襪被鄭仙巖

寂寞呼鸞古道微斷垣殘瓦雨霏霏銷魂不見王貽上
斜日紅棉作絮飛

寶漢茶寮賣酒旗濃秋煙景晚唐詩馬家廿四孃如夢
一路青山叫畫麋

小蓬亭館海雲邊一劫紅羊第幾年遺恨太平開府客
滿江烽火拜神仙

盈盈桃葉渡紅顏
祈子金華廟裏還
昨夜廟門江水闊
茜裙一破念家山

野棠紅豔草如薰
步履尋春上白雲
解事城西諸女侍
酒痕狼藉二喬墳

雨槩秋風過半塘
海山絲肉委寒霜
冬郎零落春人老
一樣樽前髮彩涼

煙花南部霸王都
綠水青山哭鷓鴣
今夜月明前夜雨
紅簾續句補蠻猷

題同邑鄧秋門羊城雜詠詩後
黃純熙

城上仙人鞭白羊穗花飛盡戰塵黃隔江誰唱波斯
曲南漢宮鴉起夕陽

題方君羊城雜詠二首

鄧 實

離宮青草粉田秋破帽殘衫駐短驢莫向珠船吟到
夜瀟瀟暮雨海東頭

江東詩句阿龍超白紵歌詞紫玉簫我倚紅闌聽不
得殘鴉煙水柳波橋

夢中作

孤舟暝泊虎頭臺司馬巡邊萬舶迴秋草蕭蕭聞畫角

黃雲吹過兩山開

錦巖

青山殘壘昔勤王
義士舟師下海疆
千載滇江亡國淚
邊風吹入雪聲堂

湖上騎驢圖

氣短英雄酒一壺
畱將老眼看西湖
如何當代凌雲筆
不畫麒麟畫蹇驢

路上

犬吠明月依雲栖
三家四家鐙火迷
修竹欲鳴白雲冷

山雨昏昏聞鳥嘯

對月

秋色今宵雁影寒
七星北斗夜闌干
五更斜到燕支嶺
尚有征人馬上看

浣香園故址

疏星帶月照花邨
山色娟娟落白門
衰柳秋風圖畫裏
扁舟一繫浣香園

詠湘竹簾

淚痕點點染秋霜
欲捲清波遠思長
悶掩香閨歆繡枕

西風吹夢落瀟湘

雨宿錢塘

古木寒煙暮色平
江流浩浩繞危城
錢塘夜半喧雷雨
疑是當年萬弩聲

杭州懷古二首

寶瑟珠鈿夜舞驕
無愁一曲譜通宵
可憐去國降飄影
流出西湖十里潮

舊院樓空金屈戌
豪家曲罷玉玲瓏
兩株楊柳無情思
依樣吹綿入永豐

蘋花

翠袖天寒
宵宵愁西風
搖曳鏡中秋
底須看到飄
零日始覺銷
魂不自由

六橋

秋風風景似
松陵夜市航
船喚賣菱一
角紅牆遙指
點流螢飛近
破樓鐙

晚景

犬吠寒塘月
忽低兩三星
火照青溪孤
舟夢醒無人
夜放鴨橋南
雁浦西

冬日閱國初諸家詩因題絕句八首

江左三家大雅行，牧齋而外鹿樵生。
合肥骨壯無餘味，一曲圓圓絕代情。

趙秋田山輩出與初，白粗服亂頭俱。
擅場獨有愚山愛，谷蘊

敦厚五言清絕似瀟湘。

漁洋近體原風雅，竹垞長篇近老成。
海內文章在公等，淡妝濃抹太憨生。

昌時高調許高公，沈麗能兼七子風。
市骨千金堪一笑，幾人全力仿嘉隆。

學杜還應本性情風騷遺韻淞毛甞秋風廿載蘇卿淚

又見吳郎

漢槎

出塞行

陳年

其彭羨門

疏越有遺音獨漉低徊善苦吟歎惜蓮洋老

尻土一生能服阮亭心

賦成赤壁人如夢江到黃州夜有聲北宋翩翩好才調

可憐八口錦官城

喬雅而還屈大均手搥蘭芷弔夫君茂陵十里西風路

腸斷初明哭暮雲

小雅樓詩集卷七終

小雅樓詩集卷八

順德 鄧 方 秋門著

七言絕詩

有寄

吳淞江水三百里直到娃蘇寶帶橋
十夜愁心滿明月
蕩湖船上聽吹簫

病起

淡黃楊柳曉嘯鶯多少風光負玉鬢
正是倚闌人病起
海棠陰雨近清明

梅落西洲送遠遊一痕閨思兩麋秋從今夜夜金錢卜
涼雨銀釭水閣頭

官山渡中曉起書景

推篷只見天接水峯半人邨不知處昨夜西樵山上雲
濛濛化作一川雨

曉過沙頭

橫江渡頭花霧開西樵已見碧崔嵬一聲柁鼓月初墮
七十二峯春雨來

簡岸

桃花源中花水深木棉紅照天陰陰朝來春雨鳳山出
一片江颿千里心

送友人之惠州

斜日春江碧玉樓輕橈相送海南頭紅棉綠野脩脩雨
坐聽黃麋出廣州

百花墳

梅坳西畔暮雲遮寂寞春山駐客車盡日蠻花飛作雪
行人疑是素馨斜

有憶滬南春遊四首

江豚上市絮飛天無那烏泥浦口煙記得龍華三月會
看桃初上郭門船

紅甌樓閣倚湖濬鎮日高眠似酒人四十二彎昏似墨
雨絲白白水鱗鱗

怯寒樓上擁熏韉陰壓沙頭霧不收已是上墳時節近
春人商略出湖頭

蠟萼梅殘喚竊黃磊塘邨裏柳成行東風吹豔旗亭酒
典過金貂典鵲鵲

橫沙

東風吹雨過橫沙
沙上人家半浣紗
兩岸潮雞曉未了
蜚兒乘月賣魚花

半塘

半塘西畔漢宮基
行殿春深鎖玉池
金管歌殘劉龔去
素馨如雪叫黃麋

春寒

濃春煙景似新秋
芸餅殘香尙貯篝
幾日重幃寒潑水
杏花疏影近紅樓

有贈

六曲屏風百轉鶯楊枝低拍紫雲聲錦江難得微寒夜
半臂誰憐宋子京

崦上

兩岸寒煙古木開
脩脩落葉下江隈
林稍一夜涼風起
忽見山光渡水來

書吳梅邨洛陽行後

憲王歌吹盛繁臺
金水蛟龍夜雨來
畏過旗亭翻樂府
西風吹落故宮槐

書梁玉立蕉林遺詩後

海棠花謝海雲寒馬上題詩墨未乾風雪一天松柏路
十陵西便是長安

絕句

峭寒紅袖瘦難支長日添香譜柘枝料理酒壚天已暮
斜風細雨下簾時

年時

小病年時擁燭吟微寒中酒夢惓惓梅花屋外天多雨
一夜佳人爲補衾

閨詞

春草春煙醉暮春
柳條柳絮惹愁新
舊時燕子銜花入
簾捲紅樓不見人

題尺九廟

風生尺九廟前波
倭鬢前峯學髻螺
秋去白蘋花欲老
采絲歌接采茶歌

百花邨雜詠六首

人家百折繞花溪
烏石松陰徑渺迷
午日隔林香渡水
米兒蘭發翠禽啼

小園花丁別業饒
晚寒門巷上紅潮
秋來香雪湖邊路

開盡黃樨不過橋

草堂五百四峯青
碧甌朱闌別主庭
聽說兒童挑菜地

岸南秋雨眾香亭

百花邨二樵山人故
有藥煙閣眾香亭
諸勝今廢

繞邨花艇水如環
三里香雲半敞關
暫倚山門聽法鼓

夕陽黃對大烏山

西淋經雨綠濃時
歸路溪源總未知
欲向橋西問仙洞

前林何處賣花旗

鳳冠紅蕊茁槎枒
游野畱春十畝霞
待約山陰乘雪夜

吹香再訪密梅花

暮出百花邨二首

五百峯頭暝色閒
疏鐘夜火出前灣
橫江欲作瀟瀟雨
夢過西淋第幾山

百花仙洞晚江波
江外邨邨花艇過
十里涼風吹不去
魚塘名海多少蜚童歌

同作

鄧 實

漁邨十里野煙閒
漠漠秋波打槳回
日暮孤舟天上
坐西淋山色渡江來

石橋邨艇載花過
門外紅潮月墮螺
五百四峯秋似

水草堂愁絕碧雲多

荒邨

獨樹營邊蘆雁唳荒邨一月水東西雲中不見烏岡影
衰柳秋風十里隄

錄別贈畫者三首

大筆長袍老謫仙淋漓醉墨潑龍川雲堆昨夜軍聲急
漫訪詞人沈石田

東甯銅人五百年搖天番島變風煙馬家一角殘山水
陽斷江湖橐筆船

大雁山頭雁北還空江人去雨闌爓時人已識閒雞犬
便合移家畫裏山

楊州旅夜口占

曉風殘月酒初醒十里垂楊一騎經
賸有隋家螢數點夜涼飛上竹西亭

平岡清韻軒題壁二首

輕衫窄袖打魚船樹底移埋日
販腥欲問阿儂何處住
夕陽歸櫂小西泠

鬧紅一舸水雲涯臨水成邨四五家
剛是蒨裾三月二

小桃微試雨中花

木芍藥

東風拂檻露華滋
初見唐宮絕代姿
昨夜沈香春睡醒
不勝殘醉倚欄時

梅雨時
阮葉氏江樓

紙閣蘆簾屋似舟
新詩吟罷狎沙鷗
條條一月黃梅雨
人在江南水上樓

舟中書望

百草芊綿綠滿隄
空江如畫曉煙低
行人渡上不歸去

微雨黃鸝相對嘯

草閣書望

近河風色小樓臺如水輕陰午不開
日落西涇春又雨
誰家上冢泊船來

日暉港二首

臨江新築護花門水隔洋涇爲避喧
柳絮欲飛蘆已茁
滿江新水長河豚

江橋泥飲又花朝蘭漿蘭舟正待潮
茜袖春人季十六
竹枝歌遍雨蕭蕭

過舊酒家

秋雨羅裾瘞落花銷魂忍賦浪淘沙舊時樂府雙鬟女
嫁與徵江估客家

北上畱別閨人楊依依

三年夫婿別離多後夜孤舟又九河黃海重重山
擁衾誰唱定風波

送外子之京

楊依依 明月

浮雲西北帝王京衰柳荒江又送行此去且休論得
失科名原不當功名

客舍聞鄰生爲粵歌四首

旅館寒蕪絡緯鳴詩心寥絕玉溪生
何人細譜珠兒調
一夜西風滿禁城

薊北鄉愁酒一尊畫船舊曲與誰論
分明記得曾聽處
殘柳絲絲漢苑門

絕調崑崙贍部家鬢絲禪榻悵年華
瀟瀟冷雨秋將半
猶自紅樓唱賣花

金線艱難作嫁裳豔情莫問合歡璫
十年鐙火江湖客
纔聽鄉音已斷腸

寓齋題壁二首

淞門幾日送行客
宛轉箜篌海上歌
又向春明騎瘦馬
一秋被酒小黃河

黃昏鐙下聞飛雁
魂夢無端到海東
吟罷吳歛寒倚枕
小樓疏雨滴梧桐

琵琶引贈京師老歌者二首

旗亭畫壁記宮商
秋老都城客影涼
彈到明光三十段
大紅門裏月如霜

天寶梨園舊夢遙
白頭對爾可憐宵
挑鐙休唱江南樂

樓外寒波是六朝

昌平道中

昌平松檜晚煙凝無數寒山閱廢興白日馬嘶前嶺起
牧人收隊十三陵

題黃四徐無山尻圖

黃沙天上故關開五百鄉兵義士臺醉出邊牆倚雙劍
盧龍山色馬頭來

題胡五空谷佳人圖

盡室歸耕早訂期名山風味美人知高情合是神仙眷

疏雨紅樓話楚詞

讀亡友朱昌甫詞卷

殘稿西風奠酒卮
秋鐙此夕感懷時
飄零曲本隴河遍
愁把山陽遂一枝

爲胡上舍題其故人二谷畫本

往迹迢迢斷坂霜
絹頭空付女兒箱
黃壚客去秋如夢
殘畫人間幾夕陽

永定門晚眺

元家海子落宮槐
鞭指浮雲暝色開
七十二橋秋草冷

塞鴻唳近瞭鷹臺

訪王阮亭先生故屍

仙人鯨背何時去此地漁洋別墅存
微雨疏疏鴉數點日斜流水海王邨

燕郊

穹窿千點散明駝古漠邊聲落日多
齊捲黃蘆吹出塞亂流騎馬渡滹沱

邑館紫藤花下

朱竹垞先生手種

紫藤花架蔓絲絲猶憶朱郎手
種時明暗一鐙風雨夜

不堪愁緒共牽籬

申江竹枝詞十首

馬車瀟灑樹陰涼
白瓦樓臺照碧洋
日暮浦灘春草地
踏歌兒女泰西裝

新妝里巷萬人空
仕女龍華鬪玉驄
三月山門登塔去
邨邨春雨小桃紅

紈綺風香滿碧蕪
泥城橋畔水平鋪
戾民老不知兵革
卻看花旗大戰圖

天半盈盈笑語聲
電鐙浮影照飛甍
不嫌紅袖多風露

第五層樓倚月明

逐隊遊人似貫魚登臺歌板午風徐琵琶攜出烏油轎
喚道先生到唱書

外國花開拂馬頭白沙芳草景幽幽張園過去愚園路
樹樹垂楊鬼子樓

品茶亭榭拾芳菲才調諸鬟善解圍折得蓮花歸去晚
夕陽初照縷金衣

銀縷花錢鬪女紅衣香縹緲月明中霓裳霧縠都嫌俗
愛買西洋素地絨

縞飾孃姨倭墮鬟筍輿隨從進城還參神都向沈香閣
不上春園大假山

銀釭簾下趁新涼花綰銅絲簇髻長酒醒四更疏雨過
枕邊時鞞夜來香

黃浦曲

芙蓉落盡晚紅銷別意盈盈水一條郎住姑蘇妾黃浦
月明前渡不通潮

秋日尻南郭上遣懷賦詩四首

金尊檀板海棠天十里衣香雨似煙斜日秋光兩寒寂

斷腸偏上換魚船

半臂新涼透越綾歌臺舞榭未堪登小樓凝望秋如水
疏柳明湖似秣陵

地遠彝場俗有無綠蕪碧玉接蔣菰夜深翠袖當壚女
明月昏黃唱蕩湖

隔湖蒼翠滿秋煙黃篾重樓倚暮天無數寒鴉不多樹
西風人影九朝前

秋夜與閨人賞花

落盡明星夜有霜綠窗人靜悄
唳蜚水紋衫子西風冷

簾外銀鐙看海棠

少年行

買笑胡姬百萬催揚鞭
羞過舊樓臺
摩挲舊日腰間矢
閒看王孫射鵝回

邨口夜泊

兩行烏柏晚烏喧
獨夜扁舟泊水邨
殘月數聲何處雁
寒江秋水漳川門

海門夜值兵過

五千犀甲到湘東
吹角蒼茫落月中
夜半雁鴻飛不渡

一時明火滿江紅

獨處怨

垂楊幾樹曉嘒烏深院無人上綠蕪寶帳峭寒春雨細
夢魂依約到單于

夢遊錢塘懷古賦詩篇成而醒

渡江天水碧依依草長荒陵出寶衣燈火蕭條風雨暗
鳳凰山北冷螢飛

江干

夕陽江上水花紅冷落漁翁捲釣筒沙鳥不來蘆雁去

數株衰柳自搖風

海口臺防

片颿宵過鳳凰岡岡上孤軍控碧洋
笳鼓愔愔鐙似海大旂寒閣一天霜

冬日紀事

沙頭獨醉暮潮上猶似錢塘江上來
雪後雲深釣徒卧夜闌白櫂酒船回

南歸

早梅開後動征驂斷續吳歌感不堪
昨夜短篷風雪裏

不知清夢出江南

元夜汎舟龍導尾有詩

畫船環與畫橋齊
節鼓聲聲出大隄
午夜無人來看月
千邨燈火舞狡猊

孤船

野曠山幽已下更
孤船晚泊近空城
月明花影春雲亂
隔水猶聞夜犬聲

寒食前一日書粵秀山紅棉草堂館壁

暮春三月草長時
紅豆江南寄幾枝
取次禁煙時節到

黃昏細雨畫簾垂

同作

鄧實

山半朝臺草樹微
禁煙時節雨霏霏
鷓鴣啼煞行人
駐盡日紅棉滿路飛

後二日下寒食復遊其間
實君得女牆七字余
續成之再書壁上

踏青頻到大彭宮
白袷衫痕倚晚風
一去劉郎五千里
女牆依舊木綿紅

滿天春思
遂聲哀比似錢唐
廿四堆盡日鷓鴣啼
暮雨

山南山北幾樓臺

踏青

芒鞋竹杖踏青朝
十里長亭五里橋
三月鷓鴣聲不斷
東風吹客過西樵

示內

一春眠食夢魂安
翦翦生衣試薄寒
長日調鸚門盡掩
夕陽紅上小闌干

武進屠

寄

有黃浦詞十六首
余讀而美之感舊

傷離輒題其後凡五首

春申曾賦竹枝詞丁酉回滬所作沈水香熏讓收之檢點青衫

往年淚阻風中酒泊船時

碧城人去路漫漫尺五城南拾墜歡辜負吳娘寒擁髻
蠻鄉聽雨一春殘

楊柳樓臺鬧管簫紅紅讀曲譜朝朝障門鴉影斜陽裏
寂寞無人看暮潮

一曲闌干一曲樓白舫兒時作近遊憶得無眠聽雁語
滿天梅雨入蘇州

讀闕吟牋佛火青東風吹夢過旗亭琵琶莫問商人婦

五夜江船已慣聽

附錄原詞

武進屠寄

儂本崑山人。生小習崑曲。移家住黃浦。夜夜理絃索。
君家黃浦東。妾家黃浦西。浦東月明出。浦西烏夜啼。
郎行欲沽酒。請過寶善街。夜歸不識路。但坐日本車。
卷簾望黃浦。隔浦迷漫雨。燈火夜潮生。郎歸渡何處。
昨夜番舶歸。夫婿去行賈。何處野鴛鴦。拔刺戲黃浦。
日出黃浦上。光暎金羅春。妝罷低繡戶。鸚鵡能喚人。
寶馬黃金羈。香車翡翠帷。經過如掣電。不知中是誰。

小時阿母憐雨足不曾裹自傷紅顏子替人抱珠被
青樓大道旁花枝不堪采風吹四角鐙搖蕩夕煙起
蜚嬈盪桂橈椎髻躡高屨耳邊明月珠自言鮫人與
胡姬十五餘楊柳千秋下繡額絡銀紗問知猶未嫁
黃浦小家女兩頰桃花紅低頭弄雙槳不怕石尤風
可憐楊白花風吹落黃浦卻唱蘭陵王破陳金墉下
黃浦三日風白浪高於屋勸郎慎毋行且畱就儂宿
海潮下黃浦浦淺多漲沙宛轉著郎楫郎去復底爲
三日下午姑蘇五日入黃浦浦浦是笙歌那知別離苦

題顏杓寶楊州感舊圖二首

吟詩禊日春如舊
看月楊州事最佳
今日低徊畫圖裏
殘鴉煙水小秦淮

分司御史十年夢
多病相如四壁秋
忽見流螢飛暮雨
一時回首憶迷樓

珠璣水閣紀事四首

十里朝陽孔雀蓬
珠人簾幙捲東風
阿誰曉出鵝潭水
昨夜銅盤尺蠟紅

花枝臨水月當城
風景邊鸞畫不成
怕說廿年前舊事

畫船無色夜愁兵

幾樹垂楊瘦可憐
漱珠橋下水田田
誰家落葉哀蟬曲
唱徹江頭夜不眠

三城樓閣影橫霄
白玉長簫碧玉翹
夢影滿江流不去
海珠愁煞水瀟瀟

夏夜雨宿假月公房

打窗叢樹雨瀟瀟
布地芭蕉綠蠟飄
又是五更聞粥鼓
一宵無夢宿僧寮

夏午觀木棉亂飛有作

暑雲和日覆庭中萬點紛飛雪影同未似江南飛絮好
重簾淺夢過東風

初秋園林作酬實君

庭院瀟瀟小雨聲孤鐙人坐豆花棚水雲涼過階前樹
半夜沈沈夢不成

宿濂泉山寺

犬吠涼蟾落隔溪山僧然火出雲栖數株松竹響欲折
山雨昏昏聞鳥嘯

宿三元觀

半山紅寺倚岐嶒
煙篠模糊翠幾層
疏雨佛堂人去後
滿階鴉鵲靜無鐙

長簫

長簫橫玉五更天
聲入秋城萬井煙
昨夜金華廟前月
行人泣盡過江船

小雅樓詩集卷八終



